

Ненах

Тахана кхечи со, со винчу сай юърта,
Сай Нанас хаза хьобстуш кхийначу х1усаме.
Бераллехь мерза мур баьхьначу ирзе, }
Сай Нана кху ирзехь гаре са тесна. } 2р

Сан Нена дикалла, цуьна хаза г1иллакхаш,
Аса цуьнца яьккхина и мерза зама.
Кху ирзехь дитташ т1ехь олхазарш дека, }
Ткъа сан дог хьо гаре са туйсуш кхехка. } 2р

Дага йог1у суна и яхана зама,
Хета и тахана набарах санна.
И шогу агана г1аж хьай буйна ва лаяцна,
Са хазаниг, ахьа бохуш, техкийна зама.

Дага дог1у суна тахана, со вина сан Нана,
Со кара ахь эцна, цу беша вай дахар.
Хьай хаза к1ай куьгаш стоьмаш т1е кхийдадеш, }
И гаьннаш охьа ийзош, гуш санна хета. } 2р

Баркалла ду хьуна, со вина сан Нана,
Кху ирсен заманна ахьа кхиа варна.
Адамашца г1иллакхаш, бийца мотт 1амийна,
Яхийла к1енташна хьо санна Нана.

Сан дехар ду шобга, сан хьомсар доттаг1ий,
Аш пусар делаша шаьш динчу шай Наной.
Къинт1ера бахалаш шаьш хьийзабарна, }
Бахийла уьш вайна массо а ханна. } 2р